

雷塘庵主弟子記

御製晉加大傅銜致仕大學士阮元祭文
朕惟宜黷幾徧天下碧嶂卑良牧之懷宰相須
人綠野繁藟臣之念愴騎箕之顧逸飾終旣

恩渥

先朝推薦年之惟舊眷舊宜與隆初服葵章載欣莫爾斯
領爾晉加太傅銜致仕大學士阮元學有本原才能
事清先生南國早陟西清修瀛爰於石渠金鑰玉潤
於昭代漢茂宋醇蒙

高廟特達之知升端閣以視學荷

皇祖逾常之眷擢浙撫以巡方雖畢議偶私於僚誼而加

恩時突夫官聲詞苑同朔冬官海厯漕河持節綜括全臺
江石移旌立憲巨案畢官銜而兼領加吉羽以彰綬
由是調撫中州旋隨總制楚南北宣猷一載粵東西
統轄九年籌海巡邊治術胥餘經術文通武達名滿
端屬名儒庶務之優閑材儲學海進士函之發詒
籍使文淵茲列鎮之勲勤久沐

先公之寵錫

仕舊人南漢之重寄頻移東閣之參知特簡晉接
綬晨趨之跼式體桑榆升華秉春試之銜載培桃李
三年使相百揆奮庸膺疆豈而無公通臨晉台輔而

兵刑交統加以體仁拜命總憲兼權表詞館以作師
直經筵而進講雖深念引年之義乞身至於再三而
重違止足之忱慰諭申於數四許恬養以延鶴算全
俸遞支喜宴衍載赴鹿鳴三公聿晉寵章錫嘏方期
衍慶於遐齡股禮酬庸遂歎淪徂乎元老身後之遺
章俾覽生前之吏議胥錫易名而文達無慙延賞而
恩施勿替極

三朝之寵遇爲一代之完人朕茲大統初膺老成丕念論
疆臣以代醇崇祀事而升香於獻文獻猶存佇見德
言之不朽茲芬是享空懷壽考之無道靈而有知尙

其來格

御製晉加太傅銜致仕大學士阮元碑文

朕惟勤宣中外鈞衡資元老之勲禮備初終錫賚極
哀榮之數陳訐謫於九德效輔弼於

三朝篤業長留襄崇罔替爾晉加太傅銜致仕大學士阮

元學裕儒宗識優國器紬書玉署作賦則名冠詞曹
躋秩銅樓乘軒則躬膺使節教興黌序偏齊魯越境
以儲才政佐文昌厯春夏地官而敷治撫循浙海行
臺再揮夫霓旌翔步蓬山史筆永留於金匱學士仍
紫微之職考工業泉府之司南國均輸總領夫牙樁
鐵軸西江撫輯承

恩於翠羽宮衙移鎮而河洛久安督軍則湖湘總匯揚旗
粵嶺波澄海上之樓船受鉞漢黔風靜天南之鼓角
趨禁垣而按轡百揆分猷拜綸閣以垂紳六官兼領
禮闈貢士重輝藻鑑於春官

御帳橫經更有賢良於閭苑及乎陳情辭老致政言旋猶
分廩餼之頒更拜榮銜之

賜雅歌式宴觀光重列於嘉賓祿籍全需

晉秩特隆以太傅應仕者五十載冊府銘勲退居者十二
年儒林範德庶遐齡之克享何遺疏之遽陳我

皇考悼惜殊深

恩施特沛政寬吏議典舉儀曹豆籩致奠以馨香紳黻加
榮於孫子諡以文達允稱佳名朕眷厥休聲述茲懿
美於戲緬昔年之翊贊忠藎彌彰流後葉之清芬棣
猷永式勒之貞石鬱矣佳城

雷塘庵主弟子記卷一

烏程弟子張鑑謹錄

言與行有以異乎曰無以異也窮而在下故其說長達而在上則其事行吾師年甫強仕已敷歷中外雖立朝行政來者方滋而教學救荒靖寇數大事昭然在浙鑑浙產且侍坐甚久麤能得其崖畧因仿劉公是弟子記之名取其歲月都爲一冊閱者毋徒以言行區以別諸卽吾黨後有續者以是爲權輿可也

封贈在道光十八年後改

先生名元字伯元號雲臺行一系出陳留尉氏

南宋以後遷江西之清江縣元末以武功顯明
初徙豪傑實江南乃居於淮安府神宗時始祖

巖自淮安山陽遷揚爲遷揚州江都縣之始祖

居舊城今阮千戶巷是也崇禎末又遷居於城

北四十里之公道橋

按先生掌經室集四世祖妣厲太恭人傳吾阮氏自

淮安遷揚州三世祖諱文廣當明萬秊時官榆
林衛正兵千戶罷官歸居郡城今舊城阮千戶
巷是也生四世祖諱秉謙娶恭人四世祖早卒
恭人守其節上孝於翁下慈於子崇禎末黃得
功駐儀徵高傑駐揚州城外兩鎮構兵之後城
危民懼恭人請於翁曰兵事如此諸子皆幼不
可居宜早避之乃懷白金五十兩隨翁挈四子
出北門四十里止於北湖之公道橋居焉祐補
案問家大人訓曰曾銑督榆林時二世祖國
有千戶官非世襲乃流官銑江都人

祥字雪軒贈明威將軍三世祖文廣字奉軒官
榆林衛正兵千戶四世祖秉謙字尊光貽贈武
德將軍五世高祖樞良字孚循六世曾祖時衡
字宗尹皆贈昭勇將軍累贈榮祿大夫光祿大
夫戶部左侍郎祖玉堂號琢庵始占籍儀徵縣
復居郡城康熙乙未科武進士三等侍衛 賞
戴花翎歷湖南九谿營河南衛輝營叅將 誥
授昭勇將軍議敘頭等軍功贈資政大夫累贈
榮祿大夫戶部左侍郎 按昭勇將軍事實詳刑
部侍郎無錫秦公濠九
谿營阮將軍祠堂記阮昭勇將父承信字得中
軍神道碑銘及先生所撰行狀

號湘圃國子生以先生貴 封儒林郎翰林院

庶吉士累 封資政大夫內閣學士兼禮部侍

郎加一級榮祿大夫戶部左侍郎加一級光祿

大夫戶部左侍郎加三級按封公事實詳刑部

大夫湘圃公神道碑山東督糧道陽湖孫先生

星衍所撰湘圃公暨妻林夫人合塋墓誌銘甘

泉焦孝廉阮湘圃先生別傳及先生所撰曾祖

雷塘阡表湘圃府君暨妣林太夫人行狀母周氏祖母汪氏江氏母林氏皆晉 贈一品

夫人祐補案三代今皆累方昭勇將軍從大帥

贈體仁閣大學士之征苗也有降苗數千百人帥將戮之將軍以

死請得生是以先生之生人皆以爲厚德所致

乾隆二十九年甲申正月二十日子時先生生於揚

州舊城府西門白瓦巷爲祖昭勇將軍舊第南

宅時封公年三十一歲

舊第南宅今改建爲海岱庵

先生所

生月日與唐白少傅同

按焦孝廉嘉慶八年生日序畧云香山白公自

述云大秣六年正月二十日生於鄭州新鄭縣東郭宅公居杭時年逾五十矣今浙江撫部阮

公與白公同日生而先白公十餘歲官於杭

三十年乙酉二歲

封公挈先生移居府門之西南

三十一年丙戌三歲

三十二年丁亥四歲

是歲雨水積潦屋壁傾壞家中書籍濕爛殆盡

三十三年戊子五歲

封公再挈先生移居新城花園巷林太夫人始

教識字

三十四年己丑六歲

始就外傳

按先生林太夫人行狀先妣林太夫人系出閩之莆田明天啟中避倭遷

江南鳳陽復遷揚州甘泉縣西山陳家集祖得

參公諱文連積學有德望於鄉里不仕父梅谿

公諱廷和乾隆癸酉舉人福建大田縣知縣乾隆

隆歲甲申不孝元生先妣自乳之五歲教識字

六歲就外傳不孝口吃讀孟子孟施舍守氣等

章期期不能上口從塾歸自憤泣先妣治低几

於簷前教不孝曰爾坐毋急遽姑從我口緩緩

讀之一夕得其理迺背誦如流嘗以外曾祖所

選王維孟浩然高適岑參四家詩付不孝讀之
并教以四聲屬對之法故不孝八九歲即能作
詩非塾師教也梅谿先生以先生貴嘉慶三
年覃恩賜贈榮祿大夫戶部左侍郎加一級
外祖母俞氏贈一品夫人祐案道光中又賜
贈協辦大學士雲貴總督

三十五年庚寅七歲

三十六年辛卯八歲

三十七年壬辰九歲

從封公移居新城之彌陀寺巷封公為先生聘

於江氏以江元翰先生弟四女為婦即先生祖

妣江太夫人孫姪也

按先生已酉題名錄妻江氏陝西西寧府知府諱洪

公孫女候選州同恩加頂帶一級諱振箕公女

是年從喬書西先生

學

按學經室集李喬二先生合傳論曰吾年九歲從喬先生學年十七從李先生學兩先生

吾鄉特立獨行之儒而吾皆師之吾所幸也

三十八年癸巳十歲

三十九年甲午十一歲

始學文

按學經室集湘圃府君行狀教不孝讀書訓誨諄切府君熟於資治通鑑於成敗治亂戰陣謀畧輒縱橫辨論隨方指授期不

孝以有成侍立傾聽警心壹志實從此始嘗以歐陽文忠縱四論蘇文忠代張方平諫用兵書等篇口講指畫次第授不孝曰讀書當為有用之學徒習時藝無益也又孫淵如先生墓誌銘年三十一生撫部公擇師教讀甚嚴親授古文詞稱曰讀書當為有用之學徒鑽研時藝無益也

四十年乙未十二歲

四十一年丙申十三歲

復從封公移居花園巷

四十二年丁酉十四歲

四十三年戊戌十五歲

始應童子試

四十四年己亥十六歲

四十五年庚子十七歲

是年先生受業於李進士晴山先生

道南
卽寓

其家

四十六年辛丑十八歲

六月二十四日移居古家巷 八月初二日太

夫人棄養時封公遠客漢陽太夫人摒擋家事

過勞復冒暑移居七月初致恙

按林太夫人行狀七月先妣以

徙宅勞苦猝中重暑以至八月不起封公聞耗

歸家 十二月厝林太夫人於雷塘祖塋

按湘圖府

君行狀四十六年秋八月先妣以疾終府君自漢陽扁舟冒風波十日達揚州傷悼甚摯又林太夫人行狀先妣生於雍正十三年二月初四日得年僅四十七葬於揚州城北中雷塘祖墓之側乾隆五十五年勅贈安人嘉慶元年晉贈夫人嘉慶四年四月晉贈一品夫人九月覃恩累贈一品夫人

四十七年壬寅十九歲

在家持服因屏去舊作詩詞時藝始究心於經

學得歛凌次仲上舍

廷堪

爲益友

按凌上舍初交先生卽撰

擬大鵬見希有鳥賦以見志事詳校禮堂文集

四十八年癸卯二十歲

遷居羅灣

冬服闋十二月封公爲先生娶婦以理家事初

九日江夫人來歸

四十九年甲辰二十一歲

謝金圃侍郎

壩

督學江蘇歲試取入儀徵縣學

第四名

五十年乙巳二十二歲

科試一等第一名補廩膳生員場中經解策問
條對無遺文亦冠場侍郎驚賞曰余前任在江
蘇得汪中此次得阮某矣遂延訂明年至江陰
館於學使者署中

五十一年丙午二十三歲

正月至江陰 二月隨謝侍郎出試鎮江金壇
閱卷 三月復還江陰 五月回揚州還至江
陰 閏七月至江寧閱錄遺卷 八月初三日
出就外寓十六日終場十七日阻風燕子磯遂
遊永濟寺窮覽諸洞壑十九日達揚州 九月

初九日揭曉中式第八名時典試者爲大興禮

部侍郎朱文正公

珪

副考官爲大庾編修戴公

心亨

房考官爲蕪湖同知烏程孫公

梅

是科朱

文正公命題爲過位二節用江慎修鄉黨圖考

說得人爲極盛 十月二十日謝侍郎任滿北

上遂以公車同行 十一月十九日抵京師寓

前門內西城根因得見餘姚邵二雲高郵王懷

祖興化任子田三先生

按摯經室集南江邵氏遺書序歲丙午元初入

京師時前輩講學者有高郵王懷祖興化任子田暨邵二雲三先生元隨事請問捧手有所授焉又任子田侍御弁服釋例序元居江淮間鄉里先進多治經之儒若興化顧進士文子九苞

李進士成裕惇劉廣文端臨台拱任侍御子田
大椿王黃門石羅念孫汪明經容甫中皆耳目
所及或奉
手有所受

五十二年丁未二十四歲

會試下第留館京師 夏女荃生 所著考工

記車制圖解成

五十三年戊申二十五歲

以所著車制圖解付梓

按擊經室集考工記車制圖解後跋右車制圖

解元二十四歲寓京師時所撰撰成即乘之其
間重較輒前十尺後軫諸義實可辨正鄭注為
江慎修戴東原諸家所未發且以此立法實可
閉門而造駕而行之此後金輔之程易田兩先
生亦言車制書出元後其於任木稍藪等義頗
與鄙說不同其說亦有是者元之說亦姑與江

戴諸說並存之以待
後學者精益求精焉

五十四年己酉二十六歲

會試中式第二十八名時大總裁爲經筵講

官東閣大學士兼禮部尙書韓城王文端公杰

署經筵講官禮部右侍郎滿洲鐵公保文淵

閣直閣事工部右侍郎陽湖管公幹珍同考官

吏部文選司主事鳳臺關公選年四月圓

明園覆試

欽取一等第十名殿試二甲弟三名

賜進士出身

朝考

欽取弟九名引

見改翰林院庶吉士時掌院學士錫山嵇文恭公奏派
先生習國書以先生在江蘇吉士中年最少也
後奉

旨以清書人數多特改習漢書

欽命大學士伯和公珣吏部尙書彭文勤公爲庶吉士

大教習旋充

萬壽盛典纂修官 國史館武英殿纂修官 冬十二

月散館期近入宿庶常館讀書

五十五年庚戌二十七歲

萬壽覃恩封公得

勅封儒林郎翰林院庶吉士林太夫人

勅贈安人及先生二伯父

承義

勅贈儒林郎翰林院庶

吉士伯母江氏勅封孺人

四月散館

羅賦一目

欽取一等第一名授職編修遷寓外城揚州會館 秋

告假省親掌院大學士阿文成公以 大考將

近恐規避固不允並曰原知阮編修學問不是

避考但若准伊一人則他人紛紛告假我何以

應之 八月恭遇

純皇帝八旬萬壽節恭進宗經徵壽說文冊蒙

純皇帝親覽入選特賞大綬一疋

五十六年辛亥二十八歲

先是庚戌年因散館爲第一人又進呈文冊蒙
恩獎賞將次大考南書房需人浮議以先生當列高

等因告假以避之及告假未果先生遵王韓城
相國諭避居內城假館於諸城劉檢討佩循先
生鏤之家同讀書閉門投轄者數月自變字體
不令人識至拆封乃知擬弟二者卽是也二
月初十日 圓明園大考翰詹

欽命題爲擬張衡天象賦擬劉向請封陳湯甘延壽疏
并陳今日同不同賦得眼鏡詩閱卷大臣見先
生賦博雅而不識賦中崋字之音置三等繼查
字典始置一等封卷進呈

御覽次日奉

諭第二名阮元比一名好疏更好是能作古文者擬疏云臣

向疏鄧支單于兼并外國日益強大殺辱漢使
者在廷諸臣未有爲陛下畫一策者都護延壽
副校尉湯遠戍西域特發符節勒師旅直逼康
居破其重城馘名王斬闕支氏請懸首藁街夷
邸以威遠服是沈謀重慮制勝萬里師徒不勞
兵矢未折功莫偉焉而議者徒以湯矯制不論
其功反欲文致之是臣所未喻也夫將在外有
可以振國威制敵命者專之可也今延壽湯不

避死難爲國雪恥而竟無尺寸之封其何以勸
帥兵絕域者昔李廣利之於大宛曠日持久靡
敝師旅僅獲數馬功不敵罪孝武猶且侯之今
邳支之功當十倍於大宛竟使致身之臣未得
封爵且不免吏議臣竊惜之宜請釋其矯制之
罪賞其克敵之功加以高爵惟陛下察之此劉
向之疏意也臣伏見我高皇帝上奮武開疆平
定西域拓地二萬餘里凡漢唐以來羈縻未服
之地盡入版圖開屯置驛中外一家豈如邳支
呼韓叛服靡常殺辱漢使哉此不同一也我
或皇上有微罪斷不使掩其大功下至末弁微
無遺焉未有若延壽等之有功而不封者此其
不同二也我皇上運籌九重聖之上決勝萬
里之外領兵大臣莫不仰稟廟筭聖謨指授機
宜有戰必克間有偶違睿慮所未及之處自出
藏豐功又孰能於耶此其不同者三也
奇謀微幸立功者耶此其不同者三也
案大人訓云所以改弟一者
實因三不同最合聖意

親改擢爲一等第一名十三日奉

旨陞授詹事府少詹事旋奉

旨南書房行走修纂 內府各書畫爲石渠寶笈十四

日謝

恩召見於勤政殿東暖閣

諭云要立品毋躁進次日

召見軍機大臣

諭阿文成公云阮元人明白老實象箇有福的不意

朕八旬外又得一人 十五日奉

旨充日講起居注官十八日入城至 南書房辦書五

月端午日

賜黃繡扇囊三高麗布手巾一紬手帕二繡紗宮扇一

夏至前二日

召見於乾清宮西暖閣

問及書畫天文算法等事並問汝父母年紀多少先生

對臣祇有嚴侍今年五十八歲

諭云年紀甚小是日自

御園回城得羽扇香葛之

賜封公挈江夫人及孫女荃至京十月封公回揚

州奉

旨補授詹事府詹事又奉

旨補文淵閣直閣事

文淵閣初四庫書初成置官朱文正公首直閣皇十一子親刻石

印贈公至是公以印付先生

賜貂裘一件舊五代史四套

欽定蘭州紀畧一函 十一月奉

詔充石經校勘官時先生分校得儀禮

按摯經室集儀禮石經校勘記

序乾隆五十六年冬十一月臣阮元奉

詔

充石經校勘官臣元校得儀禮十七篇臣謹案

儀禮漢石經僅有殘字難校全經自鄭康成作

注參用古今文後至隋末陸德明始作釋文校

其同異今釋文本又為唐宋人所亂唐開成石

經所校未盡精審且多朱梁補刻及明人補字

之譌宋張淳校刻浙本去取復據臆見臣今總

漢石經殘字陸德明釋文唐石經杜佑通典朱

熹經傳通解李如圭集釋張淳識誤楊復圖款
繼公集說明監本 欽定義疏 武英殿注

疏本諸本以及 內廷天祿琳瑯所收諸宋元
本曲阜孔氏宋本綜而核之經文字體擇善而

從錄成四卷 而那祭酒 文毅以爾雅石經彭大
用付經館

司空 文勤 以毛詩石經屬先生襄理亦多所商

正

五十七年壬子二十九歲

正月 重華宮聯句恭和 紫光閣詩

賜端研一方三清磁盤五器 冬十月女荃因痘殤江

夫人有疾 十一月二十二日江夫人病卒

十二月二十七日

御賜福字

五十八年癸丑三十歲

正月茶宴賜

御筆親題杜瓊溪山雪景一軸及端研茶甌等件 三

月封公從揚州至京 五月二十八日封公自

京師赴湖北武昌 六月石渠寶笈告成先後

賜趙孟頫無量壽佛元人戲嬰圖宋人貨郎圖蔣廷錫

墨牡丹惲壽平畫冊董其昌尺牘冊共七件二

十五日奉

旨放山東學政赴熱河

召見於依清曠 七月十五日出京二十三日到濟南
卽考濟南府屬 二十四日江夫人匱由通州
回揚入城治喪封公命以族子常生爲子成服
八月十二日接到

御賜御製兵部奏凱旋兵丁至京由驛各歸本地營伍
紀事墨刻福康安等奏西藏善後事宜詩誌顛
末得四十韻墨刻共二卷 山東新進文武生
有陋規悉裁之 九月二十四日出試兗州曲
阜濟寧州沂州 十一月上丁主祭孔廟按曲
阜舊例四時祭凡學使者按臨時逢上丁皆親

主祭衍聖公陪祭是時衍聖公憲培初薨先生

徹棘因代主祭 十二月回省封公挈家屬已

前十三日至 封公命納妾劉氏

五十九年甲寅三十一歲

正月二十一日出試萊州 二十二日於青州

途次奉到

欽賜御筆續纂秘殿珠林石渠寶笈序墨刻 至登州

登蓬萊閣 試青州武定 四月二十四日試

竣二十六日回省 五月十二日接奉

欽賜御筆筆誤識過墨刻謝摺奉

批諭云覽文佳非徒頌卽規欽此 十五日出試泰安

登岱頂謁 碧霞元君廟二十九日回省 青

州廩膳生員段松苓長於金石之學先生命其
訪碑於各嶽鎮因於岱頂唐摩崖碑下以隸書
題名青州沂鎮濟南靈巖山亦因訪碑題名

六月試濟南府 十月初一日出試沂州登嶧

山鄒縣謁孟廟晚宿孟博士第中遂至曹州充

州曲阜濟寧州 十二月十二日回省始修山

左金石志

按擘經室集山左金石志序乾隆五十八年秋奉 命視學山左首謁闕

里觀乾隆 欽頒周器及鼎幣戈尺諸古金又摩挲兩漢石刻移亭長府門卒二石人于巔相

圖次登岱觀唐摩崖碑得從臣銜名及宋趙德甫諸題名次過濟寧學掾載門請碑及黃司馬易所得漢祠石象歸而始有勒成一書之志五十九年畢秋帆先生奉命巡撫山東先是先生撫陝西河南時曾修關中中州金石二志元欲以山左之志屬之先生先生曰吾老矣且政繁精力不及此願學使者爲之也元曰諾先生遂檢關中中州二志付元且爲商定條例暨搜訪諸事元於學署池上署積古齋列志乘圖籍案而求之得諸捐本千三百餘件較之關中中州多至三倍

六十年乙卯三十二歲

正月二十一日出試東昌臨清 二月東昌途

次接奉

御賜御筆熱河考御識墨刻一卷 回省遊歷山勒銘

山石 三月初十日出試青州萊州登州武定

四屬 四月杪回省刻儀禮石經校勘記成

爲新城王文簡公書立墓道碑 八月捐修高

密鄭司農祠墓成擇其裔孫憲書請於禮部割

爲奉祠生給田廬使耕且讀 八月二十四日

奉

旨調任浙江學政 九月初三日封公挈眷由沛寧先

回揚州路經曲阜時畢秋帆先生巡撫山東封

公爲之媒以秋帆先生女配衍聖公慶鎔至是

畢公復爲媒爲先生聘衍聖公昭煥孫女誥

封衍聖公

憲增

長女爲繼室

是日移寓小滄

浪亭 二十八日奉

旨陞授內閣學士兼禮部侍郎 十月初三日交印起

程先是調任浙江謝

恩摺內乞假至揚州展墓得

旨允假 十五日到揚州二十日徧祭先塋展林太夫

人墓晚宿公道橋會族人分修家譜二十一日

早祭公道橋先塋晚宿陳家集 二十四日渡

江 十一月初一日至杭州初六日接印

嘉慶元年丙辰三十三歲

正月徵刻淮海英靈集 撰小滄浪筆談 二

月初七日出試寧波渡錢塘過曹娥江登天一

閣觀書 三月試紹興因前進呈

授受禮成文冊於初十日奉

諭旨朕閱朱珪阮元所進冊頁措詞典雅尙爲得體著

賞給蟒袍料一件大荷包一對小荷包二個以示獎

勵將此諭令知之欽此 試畢登會稽謁大禹陵題

名窰石 二十日回省試杭州府 四月孔上

公送女至杭先生親迎成禮 五月刻山左金

石志成始修淮海英靈集 恭遇

覃恩加一級誥授資政大夫封公得

誥封資政大夫內閣學士兼禮部侍郎林太夫人晉

贈一品夫人祖昭勇將軍暨祖妣汪淑人江淑人

贈亦如之長子常生蒙

恩授六品蔭生

詔舉孝廉方正浙江舉者十二人仁和邵志純古庵翁
名濂蓮叔錢塘陳振鷺禮門海寧陳鱣仲魚楊
秉初純一嘉興莊鳳苞韶九李穀中玉海鹽張
燕昌芑堂鄞縣袁鈞陶軒慈谿鄭勳簡香定海
李翼占申三義烏樓錫裘萃千解不就者四人

錢塘何淇春渚奚岡鐵生朱彭青湖鄭蔣學鏞
七月十九日出試嘉興 八月十三日至湖州
九月初三日回省 二十二日出試衢州
金華嚴州畢 十二月回省
二年丁巳三十四歲

正月二十二日始修經籍纂詁先是歲試畢先生移檄杭嘉湖道選兩浙經古之士分修經籍纂詁至是集諸生於崇文書院分俸與之是日至者共二十餘人 修院內四賢祠 始纂疇人傳 二月初四日出試處州侍封公至桐廬

九里洲看梅花 四月試台州 初十日試寧
波再登天一閣命范氏子弟編錄天一閣書目
月杪渡江回省 夏六月刻七經孟子考文成
閏六月納妾謝氏 七月出試紹興 八月
上巳蘭亭修禊同人賦詩 初七日試畢回省
摹刻天一閣搨北宋石鼓文成嵌置杭州府
學明倫堂壁間 二十四日出試湖州 九月
十一日試畢

三年戊午三十五歲

正月試杭州府 修淮海英靈集成 三月初

出試處州由處州至永嘉游江中孤嶼謁文丞相祠 試温州畢 四月試台州畢由臨海至天台游天台山歸由紹興回省 撰輶軒錄成兩浙十一郡得詩三千餘家 六月注釋曾子十篇成敘錄曰元謹案百世學者皆取法孔子矣然去孔子漸遠者其言亦漸異子思孟子近孔子而言不異猶非親受業於孔子者也然則七十子親受業於孔子其言之無異於孔子而獨存者惟曾子十篇乎曾子修身慎行忠實不欺而大端本乎孝孔子以曾子爲能通孝道故

授之業作孝經今讀事父母以上四篇實與孝
經相表裏患之小者豪髮必謹節之大者生死
不奪窮極禮經之變直通天律之本莫非傳習
聖業與年並進而非敢恃機悟也竊謂從事孔
子之學者當自曾子始又案先生弟梅叔先生
瀛舟筆談曰予兄早歲能文章尤研經義嘗手
校十三經注疏二十四歲撰車制圖解辨正車
耳反出軌前十尺等事爲江永戴震所未及發
此外如封禪明堂一貫南江樂奏皇父釋且諸
篇皆獨契往古發前人所未發至於十三經注

疏校勘記經籍纂詁疇人傳金石志等書篇帙
浩繁皆自起凡例擇友人弟子分任之而親加
朱墨改訂甚多自言入翰林後卽直內廷編
定書畫校勘石經旋督學筦部領封疆無暇潛
研故入官以後編纂之書校多而沈精覃思獨
發古誼之作甚少不能似經生時之專力矣然
所作曾子十篇注釋則時時自隨凡三易稿此
中發明孔曾博學難易忠恕等事與孝經中庸
相表裏而訓一貫之貫爲行事尤爲古人所未
發昔人以主靜良知標其學目一貫之說亦爲

創論故所撰之書當以此五卷爲最精又言近
人考證經史小學之書則愈精發明聖賢言行
之書甚少否則專以攻駁程朱爲事於顏曾純
篤之學未之深究茲注釋五卷不敢存昔人門
戶之見而實以濟近時流派之偏也時論語孟
子論仁論性命古
訓三卷尙未撰八月二十二日奉

旨補授兵部右侍郎又奉

旨禮部右侍郎員缺著阮元調補 撰經籍纂詁一百

十六卷成

按錢官詹大昕序云我國家崇尙
實學儒教振興一洗明季空疏之陋

今少司農儀徵阮公以懿文碩學受知九重
數歷八座累主文衡首以經術爲多士倡謂治

經必通訓詁而載籍極博未有會最成一編者
往歲徽州戴東原在書局實秘此議大興朱竹
君督學安徽有志未果公在館閣日與陽湖孫
淵如大興朱少白桐城馬魯陳相約分纂抄撮
羣經未及半而中輟乃於視學兩浙之暇手定
凡例卽字而審其義依韵而類其字有本訓有
轉訓次序布列若網在綱擇浙士之秀者若干
人分門編錄以教授歸安丁小雅董其事又延
武進臧在東專司校勘書成凡百有十六卷公
既任滿赴闕將刊梨棗嘉惠來學以予粗習
雅故貽書令序其緣起福案是冬卽托臧公往
廣東刻板次年業成印行是以嘉慶五年以後
爲學之人皆得此書之助益

昭勇將軍珠湖草堂詩集成 十月二十二日

御賜福字 二十六日奉封公至京

召見仍在南書房行走

四年己未三十六歲

正月初三日

高宗純皇帝升遐時先生在禮部哀疾咯血敬襄

大禮

上初親政 十九日

命兼署兵部左侍郎疊蒙

召見命隨吏部尚書朱公珪在南書房恭掌

御製詩文藁本 三月初二日奉

旨調補戶部左侍郎 初四日奉

旨充 經筵講官 初六日奉

旨充會試副總裁時正總裁 經筵講官太子少保

南書房行走吏部尙書大興朱公珪副總裁都

察院左都御史長沙劉公權之經筵講官內

閣學士兼禮部侍郎滿洲文公口及先生揭曉

得士史致儼等二百九人多積學之士按已未會榜江

都史致儼西安余本敦奉新趙敬襄歙鮑桂星

黃安張錦琦甘泉徐寅亮安仁歐陽厚均桐鄉

蔡鑾揚武進劉金探元和陳超曾全椒吳璵大

興孫喬齡合肥黃鳴傑仁和錢枚績溪胡秉虔

滿洲覺羅桂芳綏德馬丕基固始祝孝憑武進

張惠言閩縣陳壽祺高郵王引之德清陳斌建

德周梯江浦陳謨蕭山湯金釗諸城苑鴻緒江

夏容景春博羅何南鉅晉寧李翊滿洲廉能汾

陽曹汝淵石砬崔永福龍陽羅志謙安平陳若

疇漢軍壽星保全州馬德表高陽齊正訓桐鄉

程同文宜黃田應軒大興趙玉滿洲貴慶南宮
張汝緒德清許宗彥新城孔昭銘蕪湖韋運標
孝感唐儼巴陵方應綸長安張述燕江寧汪恩
滿洲椿齡滿洲佛保大興俞恒澤光州劉尹衡
長洲彭蘊輝長興張鮮鄒陽李遠烈桐城馬宗
種錢塘王家景閩縣林東垣石屏楊汝達涿州
盧坤興縣康紹鏞錢塘莫南采山陽吳準南城
蔡夢麟歙程祖洛和平徐旭曾長山李本榆侯
官孫猷祥符薛鑒秀水錢昌齡後改名寶甫上
元陳梅寧海劉開泰通州白鎔漢軍象曾金裕
朱嗣韓婺源汪桂江津蹇滋善南寧楊本昌晉
江蔡鳴捷閩縣何恒鍵鎮平林颺華貴筑花杰
湘潭尹澍武昌陳中孚龍泉高世書歸安毛謨
元和陳鍾麟大荔淡士濤忻州康黃中大興俞
恒潤天津沈士煜棲霞郝懿行臨清王顯文固
始吳其彥汾陽宋其沅大荔王庭華武進丁履
泰秀水汪如淵長沙李象鵠樂陵賈聲槐豐潤
孫鵬越武寧張富業宛平朱學遂鄒平李景嵩
大興董大偉閩縣趙在田惠來翁有儀仁和葛
雲臨榆吳鼎臣商城程國仁文登林鍾岱大興

汪桂林滿洲廉善海寧趙子璟山陰朱汲新建
葉立笙桐城吳賡枚雲夢楊世英歷城毛式郇
蒙古明安大興林天培太平賈履中蓬萊楊樹
基天津牛坤商城黃恩宸清江黃郁章閩縣邱
音越歸安張師泌大興王廷紹會休張之屏歷
城姚廷訓大荔凌士淳新城楊騰達高陽王田
頴瀘州王儉楚雄周錫章南海吳榮光新昌張
光曙大興沈世求范水周開謨武鄉李端洋縣
字友竹錢塘陸言龍南徐名級陽湖趙學轍望
江倪謨晉寧何鍾泰祥符張運煦浦江戴聰武
寧盧浙霑化蘇兆登密雲邵自錦汾陽馮大中
隨州羅世村新會何朝彥安平黃燮長樂梁運
昌歸安姚文田上元朱桂楨新城涂以轉秀水
孟晟武威張澍密縣魏士俊巴陵彭昌運南充
胡大成嘉應宋湘滿洲柏齡阿閩縣許鉉寶應
劉台斗紫古珠爾杭阿德化余肅元孝感蕭鎮
平定黃翼堂臨桂張傳霖雄縣王維鈺蘭山宋
潢獨山楊鳳臺龍川彭鳳儀河內李嘉禾陽曲
唐先甲長安呂清上元李光晉山陰何蘭馥南
昌黃維烈休寧葉鰲黃岡蔡文蘭萬縣賴勳楚

雄劉陶永明蔣雲官海寧蘇琳長汀湯志堯茗
州莊詠蒲圻張兆安簡州周維翰商城黃任寧
遠溫際清嘉定陳詩庭宿松石鼎南昌彭良裔
汾陽任伯寅浪穹王藩後改名崧臨桂周璽獨
山莫與儔新興伍士超侯官許亨超平是科二
涼張紹學宛平賞錯等共二百有九名
三場文策大興朱公屬先生一人披閱乃選出
長策一千三百餘卷窮三日夜之力再選出二
百卷分爲三等以觀頭場名士經生多從此出
論者謂得士如鴻博科洵空前絕後也間有被
房考錮閉終不薦出者按朱文正公已未會試錄序云多士奮發操滌
英華茂實左宜右有三場充幅長篇至一千
三百餘卷多矣哉而條達原本者皆出其中
闈中閱卷之暇作衡文瑣言 四月初六日

恩詔加一級

覃恩封公得

誥封榮祿大夫戶部左侍郎加一級林太夫人晉

贈一品夫人祖昭勇將軍祖妣汪淑人江淑人及曾高

祖祖妣四代

贈亦如之 疊蒙

旨監放八旗賞賚局錢查勘

太廟工程審辦控案等事 七月十三日奉

旨仍兼署禮部左侍郎襄辦

大禮 是秋

賜蠟箋金箋等紙幅 九月望日

高宗純皇帝梓宮至

裕陵

大葬禮成蒙

恩加隨帶二級復奉

旨留住

裕陵四日勘收

裕陵各處工程 奉

旨管理國子監算學 撰廣陵詩事成 賜

高宗純皇帝御用遺念紗袍呢褂手珠貂領各一事荷

囊三箇 十月初三日奉

旨署理浙江巡撫事務先生叩首固辭不

允因不敢再辭 十二日

賜琥珀朝珠一掛貂皮十二張 十五日出京 二十

二日至山東德州聞德平縣閭常留戍官破獄
距德州不遠先生留駐德州兩日與德州城守
尉商備官兵事集之後知德平事定具奏而後
行 十一月十五日至任恭奏接篆日期奉

諭云勿忘訓言切防引誘立定脚跟做去庶可有成處
順境時切毋肆志若不順亦莫灰心知此道理庶乎

可希古大臣之風矣勉之欽此 十一月十八日奏

請復民壯演習鳥鎗舊制

按疏畧云伏查各省州縣營汛兵散處各

汛分防存城僅有兵數十名所有倉庫城池及緝捕奸盜全藉民壯等協同營兵守禦每州縣額設民壯四五十名不等若仍照舊例一律演習鳥鎗火器爲軍中利器原可以一抵十較之弓刀矛倍爲得力況兵丁民壯俱係於鄉民內招募承充同係人役本無二致此等民壯若果操練精純通省各州縣約有三四千名遇有調用之處皆知紀律而聽驅使較之現募鄉勇實爲有濟而於沿海地方尤爲得力 部議准沿海州縣添復鳥鎗

其餘不准 十二月刻經籍纂詁成

五年庚申三十七歲

正月初七日奉

上諭實授浙江巡撫

初八日赴台州將往温州鑑案

洋程日記及軍幕冊簿等件先是嘉慶四年冬

盜船之在浙者最大爲安南夷艇其次則鳳尾

幫水澳幫簪黃幫共數百船盤踞浙洋各行劫

掠十二月二十四日定海李鎮軍長庚會閩中

舟師攻捕夷艇於溫之三盤洋礮沈盜船一隻

斃盜無算無如艇船高大駕馭靈快雖傷不退

至是先生乃親赴台州督捕夷閩各海盜并奏

請添設船礮

疏畧曰艇匪船高礮大舢邊圍裏牛皮網紗甚厚兵船礮子重者不

過斤許匪船礮子重至十三四斤三鎮兵丁合計不過三四千人匪船二百餘隻總計約萬人

弱強衆寡之勢迥不相同必當添設大船大礮
加兵始能痛加剿除以絕其窺伺內地之路至
沿海一帶奸民偷漏米糧淡水火藥出洋濟匪
尤應嚴密查拏海洋近日商船亦少若艇匪外
無所掠而內地米不偷漏必將近岸滋擾是以
沿海口岸尤應嚴防臣當沿途查察遇有兵少
之處卽將陸路守兵酌調嚴緊守禦不致疎懈
十五日自台州聞艇匪及鳳尾幫盜已於初五日竄回閩省乃自台州
回省 過天台山大雪守凍剡溪三日 二十
一日旋省 定海李鎮軍長庚窮追至閩粵交
界始返 二十五日奉到

御賜

高宗純皇帝欽定蘭州紀畧明史本紀各一部廓爾喀

戰圖一冊 封公自揚至浙江 二月初四日

奏請捐造船礮

摺畧曰臣於上年冬間到浙後訪聞剿捕艇匪事宜須用大船

大礮又聞閩省有黃文海等投首艇船可仿樣製造於剿捕似能得力且閩省木料較爲便宜

臣與督臣及鹽臣各官前後所捐共約銀五六萬兩大船每隻工料約須三千餘兩誠如

聖諭照

粵省米艇一百餘隻之數成造十分之三四亦須三四十隻方資配用卽須十餘萬兩加以添

鑄大礮增配兵丁水手口糧歲修蓬索損具等費終有未敷相應遵

旨在於

浙省存貯間欵內奏用查艇匪見已南竄但夏秋之交不能保其不來趁此春時在閩趕緊造

辦庶幾有

十一日後奏籌捕士盜

摺畧曰臣查艇匪南

竄閩鳳尾亦已隨去蔡牽幫本在閩界前經定海鎮臣李長庚帶領舟師窮追入閩臣恐鳳尾

土盜折回滋擾屬令黃巖鎮臣岳璽挑配兵船由温州出海偵探賊蹤乘此艇匪離浙之時務

將土盜痛加剿除絕土盜之
根株卽以剪擬匪之羽翼
疏入旋奉

諭云聞卿在浙頗能整飭守正才優朕心深慰果能常
守此志不因貴顯更易素心常憶寒窗燈下辛苦到
此地位應顯親揚名爲國宣力成一代偉人不亦美
歟勉守朕言毋懈欽此 二十一日奏黃巖鎮總兵

岳璽率同副將胡振聲等在太平縣狗洞門截
拏箬黃幫土盜攻獲盜船十二隻生擒盜首江

文五一百七十六人箬黃幫自此剿滅

按摺畧云臣於

正月十五日在台州面見黃巖鎮臣岳璽因其
時擬匪已經南竄仍恐尚有土盜折回本境滋
擾之事屬令出洋四處搜捕該鎮於二月二十
一日探聞台州太平縣狗洞門等處土盜駕船

遊奕伺劫是日兵船仍護送商船過狗洞門之
北就紀青地方暫泊三更時候出其不意疾馳
回南於五更率同胡振聲等馳至該處一擁而
進卽開鎗炮攻擊匪等抵死拒捕經官兵奮勇
殺死盜匪及落水淹斃者不計其數匪等赴水
登塗四散逃竄經官兵追趕擒獲者七十餘名
又埋伏弁兵兜獲山下逃竄者七十餘名又松
門汛弁及巡司差役獲盜匪三十餘名計此
次生擒盜匪一百七十六名首級三顆共獲盜
船十二隻弁鎗刀旗礮火藥等件見在委賢能
之員馳赴台州會同該府研
審不使少有枉縱以歸詳慎 二十九日奏獲

杭紹地方叠次窩劫盜犯陳阿三等二十一名

按疏畧云臣於上年十一月十五日到任節據
杭州府屬之海寧紹興府屬之山陰會稽等州
縣稟報十月二十四十一月初四初七等日該
州縣事主林九成等家被盜夜劫多賊臣查此
半月之內突報劫案數起必有窩盜屯聚附近
地方宜及時嚴拏以安閭閻旋訪有窩盜陳阿

三在紹興海寧南沙海邊容匿多人或係赦
回配犯或係積慣鹽梟陳阿三造意指使肆出
窩劫得賊俵分臣卽先飭各營縣派撥兵役在
於要路把守截拏復密飭山陰縣知縣裘世麟
等親督兵役直入南沙將窩首陳阿三盜犯章
阿興張大毛貝阿福楊老順潘阿大包阿三熊
子望等拏獲餘犯聞知潛逃旋據海寧州知州
張玉田拏獲羅高風陳開榮錢匠阿周署會稽
縣知縣胡培上虞縣知縣詹錫齡協同拏獲顧
大及船戶屠章友水手徐阿七仁和縣知縣戴
廷沐拏獲謝阿飛宕頭阿二何佳奇蕭山縣知
縣李廷蘭千總朱謙拏獲陳武康華阿四餘姚
縣知縣張修拏獲許心得又紹興府役拏獲孫
景明等共二十一名並於陳阿三屋內起出人
參原賊其餘亦各起有
原賊及賊具銹尺等件
同日獲錢塘江烏鴉

船盜韓球等先是錢塘江有小船曰烏鴉船舟
中僅數人榜人卧船尾以足踏槳中流風起雖

大艦有時覆沒烏鴉船隨潮上下踏浪如土潮未至之先江岸宋無一舟潮過轉瞬間已千百爲羣矣亡命之人潛身其中以操舟爲名輒乘昏暮劫掠沿江蕭山諸暨仁和錢塘富陽五邑之中此境收捕則逃之他境聚散無常栖泊不定猾吏蠹役匿不爲言大爲行旅之患先生下車卽訪問利病密飭富陽縣典史韓榮偵得虎爪山等處船戶姓名居址隱匿之處盡得其實密札取蕭山老役二人至轅假以赴南沙捕盜爲名召至密室詰之曰爾等烏鴉盜船爲害商

民我已盡知今取爾命矣二役叩頭出汗曰非不知盜以一縣之力不能制數縣之力又不齊也先生曰我以兵百人濟之能乎二役曰如此可矣遂親授二役密函曰爾至教場可與帶兵之官俱去時已預選水師撫標弁兵期日落時會於教場二役至招之行行至錢塘江心開拆密函乃非南沙事實捕烏鴉船地境姓名也官兵乃返棹西指夜四鼓至盜窟圍屋鳴鎗獲其渠魁韓球等分別首從置之於法方兵役縛盜至轅時先生曰發按察司衙門可也蓋前此省

中文武無一知其事者密速故也此後江程清晏旅行水宿之人靡不歌頌其事當捕烏鴉船渡江之日卽南沙獲盜之時也南沙盜案旣奏奉

上諭阮元奏拏獲杭紹地方窩盜陳阿三等審明定擬一摺阮元到浙未久甫經實授巡撫於積年窩盜要犯卽能留心查察飭屬嚴拏到案具見緝捕認真各省地方官吏遇有多年盤踞盜匪往往畏難苟安不肯卽時督拏任其擾累閭閻最爲惡習卽如直隸省張標一案經朕訪聞密諭直豫督撫迅速查拏而伊

等總存心畏事遲遲不辦以致釀成長新店肆劫之
案今浙省疊次窩劫盜犯若阮元亦復遷延遲緩並
不及早查拏亦必致容奸遺患阮元辦理此案任事
實心克副委任又提督蒼保黃巖鎮總兵岳璽在洋
搜捕土盜擒獲一百七十餘名見俱解省審辦看來
浙省吏治大有起色均堪嘉獎阮元蒼保岳璽俱著
交部議敘欽此後部議加一級 又接軍機大臣字
寄奉

上諭阮元奏拏獲杭紹地方疊次窩劫盜犯審明定擬
一摺已批交行在刑部速議具奏矣阮元到浙未久

甫經實授巡撫卽能拏獲窩盜要犯不致積匪漏網
所辦尙好上年直隸省張標一案若能似此早行辦
理亦何致有長新店肆劫之事乎又據另片奏黃巖
鎮總兵岳璽先後擒獲土盜一百七十餘名見在研
訊確供分別辦理并據蒼保奏稱拏獲匪艘盜犯多
名業經知會阮元提省審辦看來浙省吏治大有起
色覽奏嘉慰已另降諭旨將阮元蒼保岳璽交部議
敘矣至阮元所奏疊次窩劫之陳阿三一犯係起意
糾約多人主使竊劫之犯得贓代爲窩變並墊銀給
作盤費核其情罪與大名張標相似此等盜犯經刑

部核議亦斷無監候之理該撫既經拏獲審訊明確
卽應恭請王命正法何必拘泥請旨俾要犯尙稽顯

戮耶將此諭令知之欽此 是日又奏籌辦倉庫事

宜

摺畧曰竊查浙省各屬倉庫原虧有四百數十萬之多節經前撫於漕羨採買項下設法

彌補二百八十餘萬今約計虧缺尙有一百數十餘萬臣蒙

高厚天

恩畀以封疆重任於熟籌彌補之法固不敢督

責太迫致州縣婪索滋擾閭閻更不敢查辦遷

延致或由國帑久懸復滋影射伏思浙省從前虧

缺之由或因上司平時收受陋規奢靡費屬

員有所挾持得遂其侵肥之計或因臺灣兵差

供應以及幫辦海塘并一切因公不能開銷之

項一時無措卽以公項支用及至奏銷緊要則

皆挪新掩舊以顧考成交代之時或因虧短之

員已逾數任勢難追繳或因佐雜貪署縣事簡

缺巴結調繁情願出結擔承不敢揭報祇圖將

來彌補故於詳報交代清楚之外公然寫立議
單同監盤各員畫押用印羅列原虧續虧已補
未補准墊准抵認補認賠各款互相關授受或陞
任之員議定認賠其實又挪新任庫項彌補原
任缺處挹彼注此究屬同一虧缺凡此弊端不
可枚舉尚賴其有所立之議單即實在倉庫虧
缺之年分數目真正憑據也惟是清查彌補其
法有三而皆不能兼善一則徑行奏明將前任
各官按數嚴叅勒追但虧空既在十餘年之前
其中降革問罪人亡產絕者實屬不少恐可以
咨追完繳者十不得二三而以後之彌補勢難
切責於後任之員轉致帑項無著一則因新任
已經出結責令彌補歸款又恐見當清釐漕務
禁派採買之時且緝匪兵勇口糧等事向係捐
廉辦給恐彌補不能多而且速一則因其有挪
新掩舊之弊定以本年爲斷以本年征銀勒清
本年之款使舊款無從掩飾則上年征解不及
分數之處一經奏銷之後通省官員革職者十
居八九於吏治帑項似仍有碍以上三款臣夙
夜思惟不敢少涉冒昧似年清年款一條尙可

收實效而少流弊俟弔齊單冊查明實在虧缺之項究係若干其中某任虧缺若干彌補若干分別有著無著總期於國帑日有起色於民生不致擾累以仰副

皇上足國愛民之至意 四月初三日奉

諭云特示卿知川省近日連得大捷生擒賊首十餘名勦滅及招撫者幾及萬衆甘省湖北亦俱有捷報唯陝西奔竄之賊頗衆見已移兵會剿大約夏秋前茲事可藏知卿挂念特諭卿知欽此 十八日奉

諭云朕觀卿之摺奏皆係自繕若此則不勝其勞恐有妨公事俟後密奏之摺應自行繕寫尋常例奏應令人代寫稍省精神特諭欽此 大計舉劾薦賢能官

得杭嘉湖道秦瀛等一十一人 重修會稽大

禹陵廟成作碑紀事 訂定香亭筆談成 立

緝匪章程七則

按浙政錄存一沿海海口岸村莊由魯宜行保甲也一海邊漁捕

各船宜查奸弊也

一沿海營縣宜嚴拏偷漏米

鐵也

一沿海營縣宜嚴拏偷漏火藥也一各口

商船如當

匪末時毋許貪利獨行也一沿海

營汛宜嚴拏

通盜消賊奸民也一沿海村畝壯

丁宜團練

策應也 案平陽北關鄉勇張玉珍

團練千人

先生獎用之最得力丙寅年平陽副

將徐銳陞

閩福寧鎮總兵蔡逆在霞浦上岸官

兵失利銳

馬玉珍以五百人過隣境大敗之得

保霞浦

祐補案玉珍子棐

五月初十日起

卽領鄉勇者

今官上總兵

寧波會提鎮商辦木料添設礮位督緝土盜并

照會沿海州縣編查保甲嚴立規條十二則

十八日間夷艇等大小七十號竄入浙江至北
關洋三盤等處遊奕分咨三鎮舟師暨閩安署
協事遊擊陳名魁帶領舟師會剿 由寧波赴

台州奏請以定海鎮李長庚總統三鎮舟師以

專號令

按摺畧曰浙江水師三鎮分洋剿捕遇有大幫賊匪必須會剿但軍情密速海面遼濶攻守進退未便少有歧悞仰懇

恩諭令李長庚一人總其號令庶幾機宜畫一
賞罰案焦孝廉循記云先是先生以賊情下詢
可行

諸官弁及士庶人定海孝廉方正李翼占以厚
集兵勢力杜盜源請定海教諭王鳴珂以防禦
六事攻擊三事預籌四事請言皆可用鄞縣令

弟子記

卷一

三

八〇、

郭文鈺請合江閩舟師黃巖令孫鳳鳴請先滅
土盜台州府教授沈焯請厲武舉以寓約束黃
巖縣教職李其瀾湯棫請禁商船漁船定海令
宋如林請查偷漏紹興府經歷黃敬修請造巨
船巨礮先生因於杭州寧波溫州設冶局鑄鍛
大礮四百餘門奏令沿海州縣民壯兼習鳥鎗
不增餉而增兵千百嚴號令警弛廢厲廉隅肅
賞罰檄沿海村岸十丁立一甲十甲立一總甲
一村立一總保一山一畧立一畧長給以費使
之互糾通賊者獲之有賞檄漁戶小船至以白

編其姓名年貌屬之埠頭旂長晨出者暮必返
不返者有稽遠赴者鳴於長船之偶者分正脚
私駕者毀其船檄汎口凡船出互稽之人日持
米升五合驗以印票私漏者執之執私漏者賞
以私漏之物檄海濱台者遷入城私造鐵器出
城者有誅檄兵船漏硝磺以濟賊者斬檄商船
毋獨行賊來則禁出海不遵令者有罰私充標
客以誤商者誅檄營汎察奸民有緣商被劫而
爲保釋者有以酒米易賊貨爲之消贓者百姓
執之者有賞子弟爲盜父兄詭爲陷賊者吏稽

之檄村畧壯丁團練相守立耆老紳士之賢者
爲村長有警鳴金相召有不應者梏其頸檄府
縣營汛實力同心賢能者敬之擢之弛者縱胥
吏擾民者疾如仇遣教職佐雜官數十人分巡
海口微服步行率鄉勇線民以爲禦捕雕木印
令其事無鉅細直達行轅無少隱以故千里海
濫皆如目睹而營縣亦互相糾不敢少諱於
是定海縣教諭王鳴珂率鄉勇守黃巖定海令
宋如林稽空船出口空出者給以照平陽令楊
鏐肅清漁戶爲團練鄉勇二千七百人鎮海令

魏右曾力行保甲造鐵鎗千杆民踴躍從者六百衣上書勇字黃巖令孫鳳鳴令士民自派壯丁備木棍竹筴鋤耙石塊識以旗旗上書丁名丁立其下王鳴珂實統之沿海之旗連續如雲金聲一警農兵畢集故賊不敢近窺村落太平令趙擢彤于海岸壘石爲垣外周以塹兵勇內伏寧海令陳鵬南于健跳螺師山設劈山礮以擊賊船之入口者象山令徐元梅於石浦泥灣設立礮房而鎮海之小港大碇頭慈谿之後山北定海之西道頭臨海之海門金沙灘太平之

狗洞門石板殿鬣殼畧金清港石塘樂清之歧
頭蒲頭洛西地畧皆奸民偷漏之地令旣行巡
樂清縣教官王應虞訪奸民龔大等通於盜誅
之先生又用計訪鄞之姚家浦爲土盜之藪擒
其魁姚富衡其保長首出姚阿三等十六人又
溫台各巡員獲通盜張周貴等數十人又有浙
盜潛登岸僞充鄉勇刺聽官虛實者詰獲立斬
之樂清張阿三素附鳳尾賊登岸其兄集族人
縊殺之沿海村民演戲自約禁偷漏閩浙賊窮
蹙斷糧故附夷艇窺平陽北關遂泊黃沙宮至

是先生至台州會提督蒼公保黃巖岳鎮軍璽

爲會剿計時夷艇三十餘船踞三盤閩賊與浙賊隙浙水澳六七十船南泊玉環外洋鳳尾六七十船及土盜小船散泊大陳石塘巒殼等處先生謀因其隙而間之葉萬根薦漁山鄭天選札玉環同知招之使與水畧言蔡牽六七十船往來無定二十四日艇賊自三盤入深門岳鎮軍飭兵船漁船分泊以俟駕二十九日先生乃具疏請調粵閩舟師會剿得

旨允行

畧曰粵閩浙三省皆有洋匪而艇匪爲尤甚日多一日年衆一年若不急爲勦滅漸致釀成巨

夥侵擾岸民前明東南倭寇人民財賦爲之傷耗甚可憐也見在三鎮兵船不過百號而粵閩盜船皆萃於浙臣愚以爲分而禦之不若合而擒之之爲得也請

皇上飭

令兩廣督臣選派勇幹鎮臣帶兵艤二十號乘南風來浙會勦使外夷匪徒知內地兵力之厚策應之靈不敢妄生窺伺實於三省均爲有益

六月駐台州 初九

日李鎮軍長庚統師出洋十一日抵普陀韭山先生遺書促之十四日至銅瓦門十五日駐師石浦時温州胡鎮軍振聲亦移師楚門水澳盜船以間故持兩端退泊玉環與鳳尾鬬互有傷夷艇及鳳尾進據龍王堂抵松門之下環於松門之山將爲撲岸計且劫糧以避風潮也時松

門守兵五百鄉勇二百叅將李成隆同知時敏

據松門禦之提督蒼公

保

謀火攻先生令紹協

中軍造火箭千五百枚札温州府脩水帶給涉

水兵調撫標兵二百貼防時閩安協舟師亦終

未至 二十一日先生會提督蒼公及定海李

鎮軍黃巖岳鎮軍於台州拔士館之四照樓屏

侍從於梯下謀所以破賊者謀既定李鎮軍乘

小船與岳鎮軍同赴海門先生卽札胡鎮軍自

楚門出與兩鎮會於金清是日戌亥間大風且

雨 二十二日子丑風東轉甚遣使探兩鎮所

在道没于水 二十四日有弁鳧水至言是夕
風雨狂烈獨注龍王堂雨中有火蒸人賊艇與
海山相撞多破於是檄水路各陸兵赴海山搜
捕而李鎮軍船在海門爲風水所舉挂於木而
止李岳兩鎮兵船亦損破大半惟胡鎮軍師船
在黃華關風未之及是時賊奔竄海山水師船
不可駕叅將李成隆婦方產風雨破其屋驚死
不顧率陸營兵由松門涉石塘勦賊賊乘餘舟
悉就擒有賊數百爭乘破艇旋沒於海登岸攘
食者魯長督鄉勇獲其渠叅將蔡德耀有五舟

托買米他泛立斥之太平武生林羽林率鄉勇
及烏鎗兵二十人乘烏鳩杉船出海搜捕值鳳
尾遺船相拒甚急李鎮軍以未損八船乘之賊
震而逸先後生獲八百餘賊淹斃者約四五千
人獄不足禁棧郡廳以兵守之首從以下各如
律其爲難民被擄及脅從者皆釋之李成隆率
兵涉水取賊礮得油布包安南敕文總兵銅印
各四敕稱善艚大統兵進祿侯倫貴利 二十
五日黃巖令孫鳳鳴定海縣教諭王鳴珂獲三
人一詭爲瘡者其一長髮者訊之卽貴利是役

也李成隆率外委林鳳飛陳際會登山追擊守
備陳世勲把總崔榮華鄭殿魁秦得勝於松門
龍王堂小茭陳獲賊三百餘人武生林羽林魯
長朱大錢義民徐國恩鄉勇劉向榮等獲賊百
餘人巡員鄧必玉杜兆熊易元曜及提標兵武
生林兆鰲獲各有差獲得竹盔紅布包夷冠服
鄉民於水中得紫銅礮重二千四百斤二千八
百斤者五六門洋鐵大礮重四千斤者一門餘
鐵礮三十餘門又船桅大者長八丈夾長丈餘
以鐵梨紫榆青栗等木爲之柁木櫓長三丈餘

番木椹二丈餘棕筴長三十餘丈夷匪及鳳尾

二幫自此剿滅 二十六日上其事於 朝

天子諭以誠感神佑勅建天后宮龍王廟於松門按孫

淵如先生松門天后宮龍王廟碑 國朝康熙

十九年封護國庇民妙靈昭應宏化普濟天妃

明年復以舟師南征大捷有反風之應改封昭

靈顯應仁慈天后嘉慶四年今 天子敕封

為護國庇民妙靈昭應宏化普濟福佑羣生誠

威咸孚顯神贊順垂慈篤祐天后宮龍王廟在

海氛也浙江台州府松門山天后宮龍王堂在

為五年太茂庚申為今撫部阮公蒞任之明年

察海盜之鴟張日久將大創之六月廿二日合

師海風大作一夕漂沒盜船數百殲戮沈溺無

算海疆之民鼓譟相慶曰撫部之力撫部曰此

俞撫臣所請發藏香 又奉 天子曰翳神之功乃

葺神廟以答神庥

上諭此次盜匪棄艇登岸時外委林鳳飛陳際會首先
追擊奮勇可嘉林鳳飛陳際會俱著拔補把總以示
獎勵其備弁兵丁鄉勇因捕盜傷死及落水淹斃者
均著照陣亡例議卹欽此 是日復奏停止粵閩舟
師不必來浙會剿 七月初六日接金華處州
紹興三府三十縣申報大水漂沒田廬人口無
算一面飛章入

告隨即督率藩司照例撫卹疏上奉

旨著照所請金華永康武義麗水縉雲諸暨遂昌松陽
八縣其成灾十分者極貧賑給四個月次貧與九分

災極貧者給賑三個月九分災次貧與八分災極貧者給賑兩個月七八分災次貧與六分災極貧者給賑一個月每大口月給米一斗五升小口減半欽此其餘復請分別蠲緩者不等 平陽縣楊鏞復報閩賊蔡牽於六月二十六日入浙洋被陸路兵勇堵禦水澳賊附之南遁先生因以續獲盜犯及擊退餘匪聞於 朝 二十一日復審辦

夷匪安南僞總兵倫貴利而以其事入奏磔於

杭

按摺畧云倫貴利卽王貴利廣東澄海縣人於乾隆五十九年投入安南匪艇跟隨該國

寶王侯與農耐戰有功封爲善膳隊統兵貴利侯給與劄付一紙因該國避稱王字改姓爲倫

娶妻蓄髮第三年又給割付一紙加封爲善艦
隊大統兵進祿侯今年該國王派伊同善艦三
和侯總兵耀善艦後支大統兵總兵金善艦後
支統兵總兵南率領艇船二十八隻并各帶印
信砲械駕駛巡海私至浙江行劫旋泊太平縣
龍王堂洋面不意陡起大風打破船隻該犯躍
抱板漂流潛匿山島恐髮長被人盤詰自用佩
刀割去半截正欲遠逃卽被拏獲所領該國割
付隨船沈沒已被撈獲等情其餘三
總兵皆溺斃銅印敕書全皆撈獲

天子命軍機大臣字寄兩廣總督照會安南國王責之

冬十二月安南王阮光纘呈覆其畧曰小番

世荷

天朝恩庇曠格逾涯無能酬報思以慎守疆圉永作屏
翰祇因本國極南沿海農耐地方有渠賊阮種

竊據其地嘯集齊桅盜夥爲海程之患本國海
防正緊間亦收撫艙客以離賊黨且助洋面帆
柁之役如倫貴利者前年依附作活本國聽其
住泊同商伴隨在巡防詎知該犯暗藏頑狡私
瞞小番敢爾潛約匪船赴內洋肆行搶劫又敢
捏造印剗轉相誑誘尤爲情罪重大甘犯

天憲爲法律所不容該犯棲居本國海外馴習既久悔
不能先燭其奸此實鈴束稍疎所至仰蒙

聖慈普鑒洞悉肫誠訓誨有加天日垂照恭譯

聖諭真感激於五衷更悚惶而無似當遵奉訓彙綏靖

東二言 卷一 三 川上川
封守嗣令本國所委巡海人員一一嚴加警飭
密施鈐勒斷不容結同匪夥越境作非務祈桂
海永清以上副

聖天子懷柔之至德是所自勉也等語先是元年秋閩
中獲艇賊安南總兵范光喜供詞述安南事言
阮光平旣代黎氏光平死傳子光纘稱新阮黎
氏之甥阮種卽阮福映奔暹羅暹羅妻以女弟
助之克復農耐曰舊阮歲爲新阮患新阮之柄
臣陳寶玉招集粵艇肆掠於洋而安南總兵黃
文海與賊五存七隙以二艇投誠於閩倫貴利

者廣東人投附安南寶玉侯與農耐戰勝封侯
嘉慶初歲爲浙患先生之獲安南盜也隔別親
鞠之得其隱情咸稱阮光纘幼昏陳寶玉專國
農耐舊阮阮福映漸強新阮因分國內善艚爲
二隊一以禦舊阮一以入閩浙劫掠以充軍實
阮光纘實使之并鞠知安南虛實衆口如一先
生以安南之事自兩廣總督孫士毅喪師之後
阮光平入覲歸卒今光纘繼立昏弱農耐漸強
若不斬倫貴利等而用爲嚮道授機農耐約滅
光纘大兵分兩路一水師由海道一陸師出廣

西則光纘必滅然此時川陝教匪未平廣東洋
匪亦多兵力難分事機難一若奏明光纘知情
則不能不興師問罪是以咨刑部正摺內敘貴
勳等四總兵私瞞國王入浙爲盜而以其隱情
另摺密奏奉

批與朕意合又奉

命礪貴利等於杭又

命以安南敕印擲還光纘光纘具呈粵總督吉慶認失
約束之罪此後光纘因入浙之艇艚無片帆返
者維餘本國善艚一隊又乏軍實連年窘弱遂

爲舊阮阮福映所吞滅卽今請

封之越南國也 二十二日自寧波回省蔡牽復附水

澳至平陽登岸潛掘番薯署協副將徐錕試用
縣丞方觀海率鄉勇林深設伏殺其紅衣一人
奪獲盜船三隻賊匪投出三十一人餘船南遁
按是時水澳強蔡牽尙弱 祐謹補案平安南
夷盜及土盜之事載於

御製詩二集庚午春勝聯句詩內今恭錄於後

揮戈箬艇酋空穴

注浙洋土盜鳳尾水澳箬黃各幫在蔡牽之前最爲猖獗

撫臣阮元派令總兵岳璽等督兵四處搜捕探知箬黃幫匪在太平縣屬之狗門洞等處遊奕

肆劫因飭舟師出其不意於夜半迅駛抵彼直
前攻擊鎗礮齊施轟斃無數牽獲盜船十二隻
生擒盜首江文五等一百七十餘名箬黃幫自此勦滅

洗甲松門燕集檣

注始洋匪之滋擾浙省者安
南夷艇爲尤甚夷艇本巡夷

洋乃私入浙境之松門勾結水澳鳳尾各幫屯
聚伺劫阮元駐師守捕先散布間諜令其互相
猜忌水澳一幫旋即駛退因籌兵進剿適颶風
驟起賊船百數十號俱簸蕩擊撞覆溺無算官
兵乘勢奮擊賊棄船登山悉就擒戮餘匪漂出
外洋經阮元飛檄各鎮向遼遠島嶼遍行接捕
盡滅艇匪及鳳尾二幫由是安南夷
不復爲患而土盜亦日漸零星矣

八月入閩監臨

二十六日各鎮營獲盜船九

隻生擒黃阿詩等三十五人

九月十四日黃

巖岳鎮軍

璽

溫州胡鎮軍

振聲

會勦水澳幫盜

船五十餘隻於東日洋至北鹿礮沈大船一隻
盜首轎夫頭林阿孫等淹斃奪獲盜船二隻生
擒蔡莽等三十二人賊衆大潰水澳幫自此掃
滅 是日樂清營縣又獲登岸盜陳籠等十人
十五日定海都司常遇恩於大七洋礮沈土
盜船二隻擒盜莊普等十一人又次弟拏獲濟
匪者十餘人 二十六日外委陳文元鄉勇夏
道懷獲生盜楊阿土等十九人奪獲盜船二隻
銅鐵礮六門刀鎗旗械無算又續獲盜窩陳阿
三餘黨徐青山等 延原任江西同知山陰徐

璧堂

聯奎

司案牘

續集卷二有傳

十一月十九日定海鎮

千總蔡榮恩擒獲盜犯李出等二十人凡言獲

盜若干人難民審釋過半二十九日復奏清

查倉庫彌補情形

摺畧曰伏查前項積欠一百八十七萬八千四百有奇之

內其人有已離本任而尚在浙省及現官他省或終養告病降調在籍尚有官可補者居十之三亦已分別咨追惟參革問罪及業已身故者居十之七臣與藩司酌商惟有著落現任各官次第弟彌補一法現任各官臣自到任以來宣布儉黜奢各州縣尚能痛改前非屏除浮費又自督撫司道衙門久無絲豪取給州縣各州縣每年節省已多其所節省即屬贏餘今令將贏餘之項按任按月解交藩庫以補本縣之虧本縣補畢劃補同府之縣同府之縣補畢劃補通省最苦之縣但須在十年以外守此不變始能清楚非不知為期太遠庫項不免久懸然立限若

聖諭崇

皇上如

過緊迫則他弊又生統乞天之仁寬其日期得以日增月益逐漸全完

後嘉慶末帥中丞仙舟時奏全完

奉

上諭所辦是彌補之法宜緩不宜急於官有益於民無損日計不足月計有餘若繼以官法現任者罹禍取用者反置身事外情理亦不得其平又不能彌補足額閩省卽明驗也特諭欽此 立阮氏宗祠於公道橋舊里 十二月初四日親赴金華等處辦災民賑務初先生恐賑法一行官吏里長無不資緣爲奸戶口之數銀穀之數無從稽覈因於一縣幾都一都幾村每村幾戶幾口先立一榜上

寫應賑幾月每月賑足米若干足銀若干此村極貧者某某次貧者某某大口某某小口某某凡數百人爲一榜蓋愚民不能入城向胥吏查詢若一經榜示於本村本莊則婦豎皆知自無損蝕增冒之弊廉吏旣可以推誠布公見諒於百姓貪官亦不能病民侵帑受制於羣胥卽先後查賑者亦但須挾冊抽對甚易至是先生親策輕騎過之就鄉村及遠僻山谷以冊核榜以榜查民保甲門牌悉與賑冊戶口符合核畢乃去所過之處耆老各攜男婦迎迓歡聲載道

十六日回省上其事於朝又處州災輕而米貴處州米不足率仰給於溫州而溫之米商每以灘高水急憚至處境先生以銀二萬兩委同知李君廣芸買商米於溫運至處減其值糶以糶錢轆轤買運期萬金減折至盡而止乃閱至六千而米價已大平民情遂安十九日定海鎮守備羅江魁生擒盜匪丁郭等十九人

立育嬰堂章程先是堂務由杭州同知經理胥吏緣以爲利先生會同鹽政延公豐率屬增設

經費歲四千兩議定條目得三十六則改歸紳

士經理

再節次提鎮將弁獲盜者皆自備衣料一兩銀
鏹三五錢重銀牌每有勝獲則以分賞而不輕
加保荐無一人奏翎頂者故獲盜皆真而訊盜
又皆親慎既無貪功妄拏之弊亦無草率枉罪
之虞每定一案輒在白公祠靜坐累日細閱案
牘其工夫大於親審

甘泉受業羅士琳校